

KANTONALNI SUD U TUZLI

Broj: 30 0 Rs 112727 24 Rsž
Tuzla, 19.05.2025. godine

Kantonalni sud u Tuzli, u vijeću sastavljenom od sudija Šejle Kamberović Hadžiefendić kao predsjednika vijeća, Vahide Halilović i Ilvane Delić kao članova vijeća, u pravnoj stvari tužitelja R.S. iz Č., G.S., koga zastupa punomoćnik Ramiz Salihbašić, advokat iz Srebrenika, protiv tuženog Grad Srebrenik, koga zastupa Gradsko pravobranilaštvo, radi prava iz radnog odnosa – isplate razlike plaće, vrijednost spora 31.000,00 KM, odlučujući o žalbi tuženog izjavljenoj protiv presude Općinskog suda u Srebreniku broj: 30 0 Rs 112727 23 Rs od 17.04.2024. godine, u sjednici vijeća održanoj dana 19.05.2025. godine, donio je sljedeću

P R E S U D U

Žalba se odbija i prvostepena presuda potvrđuje u stavu I izreke.

Odbija se zahtjev tužitelja za naknadu troškova žalbenog postupka.

O b r a z l o ž e n j e

Stavom I izreke prvostepene presude obavezan je tuženi Grad Srebrenik da tužitelju R.S. iz S., isplati na ime razlike za manje isplaćene plaće za period 09.07.2018. godine do 11.11.2022. godine ukupan iznos od 24.307,31 KM, zajedno sa zakonskom zateznom kamatom na svaki pojedini mjesečni iznos, te da ukupan iznos za doprinose PIO/MIO od 8.542,42 KM uplati za tužitelja na račun Federalnog zavoda PIO/MIO, a sve po mjesecima, kako slijedi:

- za mjesec juli 2018. godine iznos razlike plaće od 376,48 KM sa kamatom počev od 16.08.2018. godine pa do isplate i iznos doprinosa za PIO/MIO od 140,99 KM,
- za mjesec august 2018. godine iznos razlike plaće od 514,32 KM sa kamatom počev od 16.09.2018. godine pa do isplate i iznos doprinosa za PIO/MIO od 190,49 KM,
- za mjesec septembar 2018. godine iznos razlike plaće od 513,95 KM sa kamatom počev od 16.10.2018. godine pa do isplate i iznos doprinosa za PIO/MIO od 190,35 KM,
- za mjesec oktobar 2018. godine iznos razlike plaće od 514,32 KM sa kamatom počev od 16.11.2018. godine pa do isplate i iznos doprinosa za PIO/MIO od 190,49 KM,
- za mjesec novembar 2018. godine iznos razlike plaće od 515,26 KM sa kamatom počev od 16.12.2018. godine pa do isplate i iznos doprinosa za PIO/MIO od 190,84 KM,
- za mjesec decembar 2018. godine iznos razlike plaće od 514,79 KM sa kamatom počev od 16.01.2019. godine pa do isplate i iznos doprinosa za PIO/MIO od 190,66 KM,
- za mjesec januar 2019. godine iznos razlike plaće od 449,28 KM sa kamatom počev od 16.02.2019. godine pa do isplate i iznos doprinosa za PIO/MIO od 166,40 KM,
- za mjesec februar 2019. godine iznos razlike plaće od 448,91 KM sa kamatom počev od 16.03.2019. godine pa do isplate i iznos doprinosa za PIO/MIO od 166,26 KM,
- za mjesec mart 2019. godine iznos razlike plaće od 449,75 KM sa kamatom počev od 16.04.2019. godine pa do isplate i iznos doprinosa za PIO/MIO od 166,57 KM,
- za mjesec april 2019. godine iznos razlike plaće od 450,22 KM sa kamatom počev od 16.05.2019. godine pa do isplate i iznos doprinosa za PIO/MIO od 166,75 KM,
- za mjesec maj 2019. godine iznos razlike plaće od 449,28 KM sa kamatom počev od 16.06.2019. godine pa do isplate i iznos doprinosa za PIO/MIO od 166,40 KM,

- za mjesec juni 2019. godine iznos razlike plaće od 448,91 KM sa kamatom počev od 16.07.2019. godine pa do isplate i iznos doprinosa za PIO/MIO od 166,26 KM,
- za mjesec juli 2019. godine iznos razlike plaće od 457,00 KM sa kamatom počev od 16.08.2019. godine pa do isplate i iznos doprinosa za PIO/MIO od 169,25 KM,
- za mjesec august 2019. godine iznos razlike plaće od 452,13 KM sa kamatom počev od 16.09.2019. godine pa do isplate i iznos doprinosa za PIO/MIO od 167,45 KM,
- za mjesec septembar 2019. godine iznos razlike plaće od 451,66 KM sa kamatom počev od 16.10.2019. godine pa do isplate i iznos doprinosa za PIO/MIO od 167,28 KM,
- za mjesec oktobar 2019. godine iznos razlike plaće od 451,19 KM sa kamatom počev od 16.11.2019. godine pa do isplate i iznos doprinosa za PIO/MIO od 167,10 KM,
- za mjesec novembar 2019. godine iznos razlike plaće od 451,66 KM sa kamatom počev od 16.12.2019. godine pa do isplate i iznos doprinosa za PIO/MIO od 167,28 KM,
- za mjesec decembar 2019. godine iznos razlike plaće od 452,13 KM sa kamatom počev od 16.01.2020. godine pa do isplate i iznos doprinosa za PIO/MIO od 167,45 KM,
- za mjesec januar 2020. godine iznos razlike plaće od 334,95 KM sa kamatom počev od 16.02.2020. godine pa do isplate i iznos doprinosa za PIO/MIO od 124,05 KM
- za mjesec februar 2020. godine iznos razlike plaće od 450,82 KM sa kamatom počev od 16.03.2020. godine pa do isplate i iznos doprinosa za PIO/MIO od 166,97 KM,
- za mjesec mart 2020. godine iznos razlike plaće od 452,13 KM sa kamatom počev od 16.04.2020. godine pa do isplate i iznos doprinosa za PIO/MIO od 167,45 KM,
- za mjesec april 2020. godine iznos razlike plaće od 452,13 KM sa kamatom počev od 16.05.2020. godine pa do isplate i iznos doprinosa za PIO/MIO od 167,45 KM,
- za mjesec maj 2020. godine iznos razlike plaće od 451,66 KM sa kamatom počev od 16.06.2020. godine pa do isplate i iznos doprinosa za PIO/MIO od 167,28 KM,
- za mjesec juni 2020. godine iznos razlike plaće od 452,13 KM sa kamatom počev od 16.07.2020. godine pa do isplate i iznos doprinosa za PIO/MIO od 167,45 KM,
- za mjesec juli 2020. godine iznos razlike plaće od 451,19 KM sa kamatom počev od 16.08.2020. godine pa do isplate i iznos doprinosa za PIO/MIO od 167,10 KM,
- za mjesec august 2020. godine iznos razlike plaće od 483,57 KM sa kamatom počev od 16.09.2020. godine pa do isplate i iznos doprinosa za PIO/MIO od 167,99 KM,
- za mjesec septembar 2020. godine iznos razlike plaće od 489,70 KM sa kamatom počev od 16.10.2020. godine pa do isplate i iznos doprinosa za PIO/MIO od 170,27 KM,
- za mjesec oktobar 2020. godine iznos razlike plaće od 489,70 KM sa kamatom počev od 16.11.2020. godine pa do isplate i iznos doprinosa za PIO/MIO od 170,27 KM,
- za mjesec novembar 2020. godine iznos razlike plaće od 534,23 KM sa kamatom počev od 16.12.2020. godine pa do isplate i iznos doprinosa za PIO/MIO od 156,25 KM,
- za mjesec decembar 2020. godine iznos razlike plaće od 483,09 KM sa kamatom počev od 16.01.2021. godine pa do isplate i iznos doprinosa za PIO/MIO od 167,82 KM,
- za mjesec januar 2021. godine iznos razlike plaće od 483,57 KM sa kamatom počev od 16.02.2021. godine pa do isplate i iznos doprinosa za PIO/MIO od 167,99 KM,
- za mjesec februar 2021. godine iznos razlike plaće od 482,72 KM sa kamatom počev od 16.03.2021. godine pa do isplate i iznos doprinosa za PIO/MIO od 167,68 KM,
- za mjesec mart 2021. godine iznos razlike plaće od 482,72 KM sa kamatom počev od 16.04.2021. godine pa do isplate i iznos doprinosa za PIO/MIO od 167,68 KM,
- za mjesec april 2021. godine iznos razlike plaće od 484,04 KM sa kamatom počev od 16.05.2021. godine pa do isplate i iznos doprinosa za PIO/MIO od 168,17 KM,
- za mjesec maj 2021. godine iznos razlike plaće od 483,57 KM sa kamatom počev od 16.06.2021. godine pa do isplate i iznos doprinosa za PIO/MIO od 167,99 KM,
- za mjesec juni 2021. godine iznos razlike plaće od 484,04 KM sa kamatom počev od 16.07.2021. godine pa do isplate i iznos doprinosa za PIO/MIO od 168,17 KM,
- za mjesec juli 2021. godine iznos razlike plaće od 484,04 KM sa kamatom počev od 16.08.2021. godine pa do isplate i iznos doprinosa za PIO/MIO od 168,17 KM,
- za mjesec august 2021. godine iznos razlike plaće od 484,04 KM sa kamatom počev od 16.09.2021. godine pa do isplate i iznos doprinosa za PIO/MIO od 168,17 KM,
- za mjesec septembar 2021. godine iznos razlike plaće od 485,95 KM sa kamatom počev od 16.10.2021. godine pa do isplate i iznos doprinosa za PIO/MIO od 168,88 KM,

- za mjesec oktobar 2021. godine iznos razlike plaće od 485,48 KM sa kamatom počev od 16.11.2021. godine pa do isplate i iznos doprinosa za PIO/MIO od 168,70 KM,
 - za mjesec novembar 2021. godine iznos razlike plaće od 500,95 KM sa kamatom počev od 16.12.2021. godine pa do isplate i iznos doprinosa za PIO/MIO od 168,88 KM,
 - za mjesec decembar 2021. godine iznos razlike plaće od 500,01 KM sa kamatom počev od 16.01.2022. godine pa do isplate i iznos doprinosa za PIO/MIO od 168,54 KM,
 - za mjesec januar 2022. godine iznos razlike plaće od 434,62 KM sa kamatom počev od 16.02.2022. godine pa do isplate i iznos doprinosa za PIO/MIO od 144,30 KM,
 - za mjesec februar 2022. godine iznos razlike plaće od 433,78 KM sa kamatom počev od 16.03.2022. godine pa do isplate i iznos doprinosa za PIO/MIO od 143,99 KM,
 - za mjesec mart 2022. godine iznos razlike plaće od 434,15 KM sa kamatom počev od 16.04.2022. godine pa do isplate i iznos doprinosa za PIO/MIO od 144,14 KM,
 - za mjesec april 2022. godine iznos razlike plaće od 434,62 KM sa kamatom počev od 16.05.2022. godine pa do isplate i iznos doprinosa za PIO/MIO od 144,30 KM,
 - za mjesec maj 2022. godine iznos razlike plaće od 434,09 KM sa kamatom počev od 16.06.2022. godine pa do isplate i iznos doprinosa za PIO/MIO od 82,55 KM,
 - za mjesec juni 2022. godine iznos razlike plaće od 435,09 KM sa kamatom počev od 16.07.2022. godine pa do isplate i iznos doprinosa za PIO/MIO od 144,48 KM,
 - za mjesec juli 2022. godine iznos razlike plaće od 434,62 KM sa kamatom počev od 16.08.2022. godine pa do isplate i iznos doprinosa za PIO/MIO od 144,30 KM,
 - za mjesec august 2022. godine iznos razlike plaće od 428,05 KM sa kamatom počev od 16.09.2022. godine pa do isplate i iznos doprinosa za PIO/MIO od 141,89 KM,
 - za mjesec septembar 2022. godine iznos razlike plaće od 426,93 KM sa kamatom počev od 16.10.2022. godine pa do isplate i iznos doprinosa za PIO/MIO od 141,47 KM,
 - za mjesec oktobar 2022. godine iznos razlike plaće od 428,52 KM sa kamatom počev od 16.11.2022. godine pa do isplate i iznos doprinosa za PIO/MIO od 142,05 KM,
 - za mjesec novembar 2022. godine iznos razlike plaće od 255,17 KM sa kamatom počev od 16.12.2022. godine pa do isplate i iznos doprinosa za PIO/MIO od 85,06 KM,
 kao i da tužitelju naknadi troškove parničnog postupka u iznosu od 4.261,30 KM, sa zakonskom zateznom kamatom počev od dana donošenja presude pa do isplate, a sve u roku od 30 dana od dana donošenja presude.

Stavom II izreke odbijen je zahtjev tužitelja za naknadu troškova parničnog postupka u iznosu od 710,97 KM.

Protiv prvostepene presude u dosuđujućem dijelu iz stava I izreke žali se tuženi iz svih razloga predviđenih odredbom člana 208. stav 1. Zakona o parničnom postupku ("Službene novine FBiH", broj 53/03,73/05, 19/06 i 98/15 - u daljem tekstu: ZPP), te iz razlog navedenih u žalbi predlaže da se prvostepena presuda preinači i odbije tužbeni zahtjev tužitelja u cijelosti.

U odgovoru na žalbu tužitelj predlaže da se žalba odbije kao neosnovana i prvostepena presuda potvrdi, a tuženi obaveže da tužitelju naknadi troškove sastava odgovora na žalbu u iznosu od 1.350,00 KM, plus 17% na ime PDV.

Žalba nije osnovana.

Predmet spora u ovoj pravnoj stvari je zahtjev tužitelja za isplatu razlike između plaće koju bi ostvario na radnom mjestu „Šef Općinske službe za opću upravu i zajedničke poslove“ i plaće radnog mjesta „Stručni savjetnik za poslove mjesnih zajednica“ u Službi za opću upravu i zajedničke poslove općine Srebrenik, na koje je postavljen nakon donošenja novog Pravilnika o unutrašnjoj organizaciji jedinstvenog organa državne službe Općine Srebrenik.

Činjenice koje među strankama nisu sporne, kao i činjenice koje je tokom postupka utvrdio prvostepeni sud mogu se sumirati na sljedeće:

- da je tužitelj rješenjem Općinskog načelnika Srebrenik bio postavljen na radno mjesto „Šef Općinske službe za opću upravu i zajedničke poslove“ Srebrenik, a rješenjem o postavljenju državnog službenika broj: 07-34-803/18 od 05.07.2018. godine postavljen je na radno mjesto „Stručni savjetnik za poslove mjesnih zajednica“ u Službi za opću upravu i zajedničke poslove Općine Srebrenik, uz obrazloženje da je donesen novi Pravilnik o unutrašnjoj organizaciji jedinstvenog organa državne službe Općine Srebrenik od 26.06.2018. godine, te da je zbog toga doneseno rješenje o postavljenju tužitelja kao državnog službenika na drugo radno mjesto;

- da je rješenjem o postavljenju od 05.07.2018. godine određeno da se rješenje primjenjuje od 09.07.2018. godine, a posebnim rješenjem će se utvrditi polazni osnov za obračun plaće;

- da je Općinski načelnik donio rješenje broj: 07-34-992/18 od 23.07.2018. godine, kojim je tužitelju utvrđena plaća V platnog razreda sa koeficijentom 4,1, s tim da će se imenovanom osnovna plaća utvrditi množenjem osnovice za obračun plaće sa utvrđenim koeficijentom platnog razreda, sa uvećanjem za 0,5% za svaku započetu godinu penzijskog staža uposlenika, a najviše do 20%, te da se ovo rješenje primjenjuje od 09.07.2018. godine a njegovim donošenjem prestaje da važi rješenje o plaći od 05.03.2015. godine;

- da je rješenjem Općinskog načelnika broj 07-34-1055/18 od 23.07.2018. godine stavljeno van snage rješenje Općinskog načelnika o dodatku na plaću tužitelju broj 07-34-727/15 od 14.04.2015. godine, sa danom 08.07.2018. godine;

- da je na navedena rješenja tužitelj izjavio žalbe Odboru državne službe za žalbe Federacije BiH (u daljem tekstu: Odbor za žalbe), koji je rješenjem broj: 01-34-742/18 od 02.12.2019. godine poništio sva navedena rješenja načelnika Općine Srebrenik i predmete vratio prvostepenom organu na ponovni postupak, sa obrazloženjem da je rješenje broj: 07-34-803/18 od 05.07.2018. godine, kojim je žalitelj (tužitelj) postavljen na radno mjesto „Stručni savjetnik za poslove mjesnih zajednica“ nepravilno i nezakonito, pa da su samim tim nepravilna i nezakonita i druga naprijed navedena rješenja o određivanju osnovnih elemenata plaće, a sve iz razloga što Općinski načelnik nije pravilno postupio kada je prije objavljivanja Pravilnika o unutrašnjoj organizaciji jedinstvenog organa državne službe Općine Srebrenik broj: 07-753/18 od 26.06.2018. godine, na osnovu istog donio rješenje o postavljenju žalitelja na navedeno radno mjesto, obzirom da je članom 120. stav 1. Statuta Općine Srebrenik propisano da se odluke i drugi opći akti objavljuju u Službenom glasniku Općine, prije nego što stupe na snagu, dok je stavom 2. istog člana propisano da odluke i drugi opći akti stupaju na snagu osmog dana od dana objavljivanja;

- da je, postupajući po navedenom rješenju Odbora za žalbe, gradonačelnik Grada Srebrenika donio rješenje broj: 07-34-1420/19 od 20.12.2019. godine, kojim se tužitelj ponovo postavlja na radno mjesto „Stručni savjetnik za poslove mjesnih zajednica“ u Službi za opću upravu i zajedničke poslove općine Srebrenik, uz primjenu ovog rješenja od 09.07.2018. godine, a da je kao pravni osnov, između ostalog, naveden i član 44. Pravilnika o unutrašnjoj organizaciji jedinstvenog organa državne službe Općine Srebrenik broj: 07-753/18 od 26.06.2018. godine, koji je stupio na snagu danom donošenja i isti dan je objavljen na oglasnoj tabli Općine, a naknadno je objavljen u „Službenom glasniku Općine Srebrenik“ broj: 1/19 od 01.02.2019. godine;

- da je po žalbi tužitelja izjavljenoj protiv rješenja od 20.12.2019. godine Odbor za žalbe donio rješenje broj: 01-30-26/20 od 11.11.2022. godine, kojim je potvrđeno rješenje gradonačelnika Grada Srebrenik broj 07-34-1420/19 od 20.12.2019. godine u dijelu postavljanja tužitelja na radno mjesto „Stručni savjetnik za poslove mjesnih zajednica“ u Službi za opću upravu i zajedničke poslove općine Srebrenik, a izmijenjeno je u stavu 2. dispozitiva rješenja, tako da se rješenje gradonačelnika Grada Srebrenik primjenjuje nakon što postane konačno;

- da iz nalaza i mišljenja vještaka ekonomske struke Jakuba Ibrahimovića od 14.03.2024. godine, proizilazi da je u periodu od 09.07.2018. do 11.11.2020. godine tužitelju isplaćena manja plaća u ukupnom iznosu od 24.307,31 KM, te da doprinosi za penzijsko i invalidsko osiguranje na tu razliku plaće iznose 8.542,42 KM, a tužitelj je u

skladu sa nalazom i mišljenjem vještaka konačno opredijelio tužbeni zahtjev na ročištu za glavnu raspravu do 02.04.2024.godine.

Neosnovano se žalbom tuženog ukazuje da je prvostepena presuda kojom je usvojen tužbeni zahtjev tužitelja, rezultat pogrešne primjene materijalnog prava.

Naime, stoje navodi žalbe tuženog da se u konkretnom slučaju radilo o internom premještanju tužitelja kao državnog službenika u istom organu državne službe, u smislu člana 33. stav 4. Zakona o državnoj službi TK („Službene novine TK“ broj 7/17, 10/17, 14/18, 8/21, 10/22 i 14/22), kao i da u smislu člana 33. stav 7. istog Zakona žalba na rješenje iz stava 4. ovog člana ne odlaže izvršenje rješenja, međutim, po ocjeni i ovog suda u konkretnom slučaju nema mjesta primjeni stava 7. člana 33. navedenog Zakona, iz razloga što je rješenjem Odbora za žalbe broj 01-30-26/20 od 09.12.2022. godine rješenje tuženog broj 07-34-1420/19 od 20.12.2019. godine potvrđeno u dijelu postavljenja tužitelja na radno mjesto „Stručni savjetnik za poslove mjesnih zajednica“ u Službi za opću upravu i zajedničke poslove općine Srebrenik, dok je izmijenjeno u stavu 2. dispozitiva rješenja koji se odnosi na početak primjene, tako da je određeno da se to rješenje primjenjuje nakon što postane konačno, odnosno od 11.11.2022. godine. Stoga, kako tuženi tokom postupka nije dokazao da je u ostavljenom roku pred nadležnim sudom pobijao rješenje Odbora za žalbe broj 01-30-26/20 od 11.11.2022. godine, u skladu sa odredbom člana 65. stav 9. tačka a) Zakona o državnoj službi TK, kojom je propisano da su odluke Odbora za žalbe konačne i podliježu preispitivanju od nadležnog suda, a postupak pred sudom se može pokrenuti u roku od 30 dana od dana prijema odluke, to se ni pravilnost konačnog rješenja Odbora za žalbe ne može ispitivati u ovom postupku.

Nadalje, kako iz provedenih dokaza slijedi da se rješenje tuženog kojim je tužitelj postavljen na radno mjesto stručnog savjetnika za poslove mjesnih zajednica u Službi za opću upravu i zajedničke poslove od 20.12.2019. godine, primjenjuje od dana konačnosti tj. od 11.11.2022. godine, kako je to odlučeno stavom 2. dispozitiva rješenja Odbora za žalbe od 11.11.2022. godine, to se pokazuje pravilnim izneseni zaključak prvostepenog suda da tužitelju pripada pravo na isplatu manje isplaćenih plaća u potraživanom iznosu od 24.307,31 KM, kao razlike između plaće koju bi tužitelj primao obavljajući poslove šefa Službe za opću upravu i zajedničke poslove i plaće koju je primao na poslovima stručnog savjetnika za poslove mjesnih zajednica, na koje je postavljen po novom Pravilniku o sistematizaciji, sa zakonskim zateznim kamatama, kao i pravo na uplatu doprinosa za penzijsko i invalidsko osiguranje na tu razliku plaće u iznosu od 8.542,42 KM, a visina potraživanja na ime razlike plaća i doprinosa PIO je utvrđena na osnovu neosporenog nalaza i mišljenja vještaka ekonomske struke Jakuba Ibrahimovića od 14.03.2024. godine.

Neprihvatljivi su žalbeni navodi da tužitelju ne pripada pravo na isplatu razlike plaće iz razloga što rješenjem Odbora za žalbe u ponovljenom postupku nije naloženo tuženom da tužitelja vrati na radno mjesto šefa službe, već je njegovu žalbu u tom dijelu odbio kao neosnovanu. Ovo iz razloga što je rješenjem Odbora za žalbe od 02.12.2019. godine poništeno rješenje Općinskog načelnika od 05.07.2018. godine o postavljenju tužitelja na radno mjesto savjetnika, kao i rješenja o određivanju visine plaće tužitelja i ukidanju dodatka na plaću, a poništavanjem navedenih rješenja poništene su i pravne posljedice koje su ta rješenja proizvela u smislu člana 258. stav 1. Zakona o upravnom postupku FBiH, koji se također primjenjuje u konkretnom slučaju imajući u vidu da se radi o rješenju koje je u upravnom postupku donio organ državne službe Općine Srebrenik. To što je gradonačelnik tuženog u ponovnom postupku, dana 20.12.2019. godine, donio novo rješenje o postavljenju tužitelja na radno mjesto stručnog savjetnika i što je to rješenje u pogledu postavljenja potvrđeno rješenjem Odbora za žalbe od 11.11.2022. godine, ne znači da tužitelju nakon donošenja novog rješenja 20.12.2019. godine ne pripada pravo na isplatu razlike plaće, kako to tuženi ističe u žalbi, u situaciji

kada je rješenjem Odbora za žalbe odlučeno da se novo rješenje o postavljenju tužitelja primjenjuje nakon što postane konačno, odnosno od donošenja konačne odluke Odbora 11.11.2022. godine. Zato po ocjeni i ovog suda, a suprotno navodima žalbe, tužitelju pripada pravo na obračun i isplatu plaće po parametrima predviđenim za radno mjesto šefa službe sve do konačnosti rješenja o postavljenju na radno mjesto savjetnika, u smislu odredbe člana 209a. Zakona o upravnom postupku FBiH, a samim tim i pravo da traži uplatu doprinosa PIO na tu razliku plaće u skladu sa članom 6. Zakona o doprinosima FBiH.

Nisu osnovani ni žalbeni prigovori tuženog da je u prvostepenom postupku pogrešno i nepotpuno utvrđeno činjenično stanje (član 210. ZPP), jer to ne proizilazi iz činjeničnog stanja spisa i ožalbene presude. Naime, stranke su tokom postupka iznijele činjenice na kojima zasnivaju svoje zahtjeve i izvele dokaze za utvrđenje tih činjenica (član 7. ZPP), a prvostepeni sud je slobodnom ocjenom dokaza, u smislu člana 8. i člana 123. ZPP, utvrdio odlučne činjenice na osnovu kojih je donio odluku, pa ne stoje navodi žalbene kojim se ukazuje na povredu odredaba parničnog postupka (član 209. ZPP).

Dosuđenu visinu razlike plaće u iznosu od 24.307,31 KM, doprinosa PIO u iznosu od 8.542,42 KM i troškova postupka tužitelju u iznosu od 4.261,30 KM tuženi u žalbi posebno ni ne pobija, pa se ni ovaj sud time nije posebno bavio, s obzirom na odredbu člana 221. ZPP, po kojoj drugostepeni sud ispituje prvostepenu presudu u onom dijelu koji se pobija žalbom i u granicama razloga navedenih u žalbi.

Iz navedenih razloga valjalo je žalbu tuženog odbiti i prvostepenu presudu potvrditi u stavu I izreke, primjenom odredbe člana 226. ZPP, dok je u stavu II izreke, zbog izostanka žalbe tužitelja, prvostepena presuda ostala neizmijenjena (član 221. ZPP).

Kako dostavljanje odgovora na žalbu tuženog nije obavezno i ne predstavlja potreban trošak radi vođenja parnice (član 214. stav 1. u vezi sa članom 387. ZPP), niti je dostavljanje odgovora na žalbu doprinijelo razrješenju ovog spora, valjalo je odbiti zahtjev tužitelja za naknadu troškova sastava odgovora na žalbu, radi čega je ovaj sud odlučio kao u stavu drugom izreke ove presude.

PREDSJEDNIK VIJEĆA

Šejla Kamberović Hadžiefendić, s.r.